

**Samarqand viloyati statistika boshqarmasi boshlig'i Sh.Abdiyevning
viloyatstatistika tizimida 2022- yilda Davlat statistika ishlari dasturi
doirasida amalga oshirilgan ishlar to'g'risida
AXBOROTI**

Assalomu alaykum, bugungi brifing orqali sizlarning e'tiboringizga viloyat statistika boshqarmasi tomonidan 2022- yil davomida amalga oshirilgan ishlar xususidagi hisobotni taqdim qilishdan oldin, 2022- yilning yanvar-dekabr oylarida viloyatimizning iqtisodiy holatini o'zida aks ettiruvchi statistik ma'lumotlar bilan tanishtirib o'tsam.

- 2022- yilning yanvar-dekabr oyi yakunlariga ko'ra Samarqand viloyati bo'yicha yalpi hududiy mahsulot hajmi joriy narxlarda 62 trln 440 mlrd so'mni tashkil etgan.

Bu ko'rsatkich 2021- yilning yanvar- dekabr oylariga nisbatan 5,8 foizga oshgan. Respublika yalpi ichki mahsulotining shakllanishiga viloyatimizning qo'shgan hissasi 7,0 foizga etgan.

- sanoat ishlab chiqarish hajmi 29 trln 373,7 mlrd so'mni, 2021- yilning mos davriga nisbatan fizik hajmi indeksi – 109,0 % ga teng bo'lgan,

- viloyatimizda o'tgan davr mobaynida bajarilgan qurilish ishlari hajmi 8 trln. 762,2 mlrd so'm, o'sish sur'ati o'tgan yilning mos davriga nisbatan 110,1 % ni tashkil qilgan.

- Hisobot davrida asosiy kapitalga o'zlashtirilgan investitsiyalar hajmi 21 trln. 955,2 mlrd so'mni tashkil etib, 2021- yilning shu davriga nisbatan 29,5 % ga ko'paygan. Jami investitsiyalarning 18 trln. 619, mlrd so'mini markazlashgan investitsiyalar tashkil etadi.

- 2022- yilning yanvar- dekabr oylarida viloyatning qishloq, o'rmon va baliqchilik xo'jaligida etishtirilgan mahsulotlarning umumiy hajmi 43 trln. 903,0 mlrd so'mni tashkil etib, bu ko'rsatkich ushbu soha bo'yicha respublika jami hajmining 12,1 foiziga teng bo'lgan.

- viloyatning chakana savdo tovar aylanmasi hajmi 27 trln. 232,9 mlrd so'm, o'sish sur'ati 12,2 % darajada qayd etilgan,

- ko'rsatilgan bozor xizmatlari hajmi 22 btrln. 734,9 mlrd so'mni, hajmning o'sish sur'ati – 114,9 % ni tashkil qilgan.

- Joriy yilning yanvar- dekabr viloyat xorijiy davlatlar bilan hajmi 2 384,5 mln AQSh dollarlik tashqi savdoni amalga oshirgan, shundan eksportning hajmi 656,1 mln dollarni, importning hajmi 1 728,4 mln dollarni tashkil qilgan.

- 2023- yilning 1- yanvar holatiga faoliyat ko'rsatayotgan korxonalar va tashkilotlar soni 57 511 taga etgan bo'lib, shundan faoliyat ko'rsatayotgan kichik tadbirkorlik subyektlari soni – 54 163 tani tashkil qilgan. 2022- yilning yanvar- dekabr oylarda viloyatimizda 10 877 ta yangi korxonalar va tashkilotlar tashkil etilgan.

- kichik tadbirkorlik subyektlarining soni har 1000 aholiga 11,6 birlikni tashkil qilib, YAHM tarkibida kichik biznesning ulushi 71,4 foizni tashkil qilgan.

Endi bevosita viloyat statistika boshqarmasining joriy yilning shu davrigacha olib borgan faoliyati xususida to'xtalib o'tadigan bo'lsam, asosiy vazifamiz "O'zbekiston Respublikasining milliy statistika tizimini yanada takomillashtirish va rivojlantirish chora-tadbirlari to'g'risida"gi Prezident Qarori va shu asosda tasdiqlangan "2020- 2025- yillarda O'zbekiston Respublikasi statistikasini rivojlantirishning milliy strategiyasini amalga oshirish bo'yicha "Yo'l xaritasi"ning ijrosini ta'minlash hamda «2022- yil statistika ishlar dasturi» ning bajarilishiga erishishga qaratildi.

Mazkur "Yo'l xaritasi" da statistik infratuzilmani takomillashtirish, ma'lumotlardan foydalanuvchilar va ma'lumot etkazib beruvchilar o'rtasida samarali munosabatlarni yo'lga qo'yish, alohida statistik yo'nalishlar, ochiq ma'lumotlarni keng jamoatchilikka etkazish, tarmoq va hududlar statistikasini takomillashtirish, statistik tadqiqotlarni takomillashtirish kabi vazifalar belgilab berilgan. Viloyat statistika boshqarmasining 2022- yilning o'tgan davridagi faoliyati to'laligicha ushbu vazifalarni amalga oshirishga qaratildi.

Statistika idoralari tomonidan Davlat statistika Dasturining ijrosini ta'minlash maqsadida yil mobaynida 109 turdagi davlat statistika hisobotlari va 31 turdagi kuzatuv va so'rovnomalar o'tkaziladi.

Xususan, 2022- yilning yanvar- dekabr oylari davomida kuzatuv uchun tanlab olingan joylar va subyektlar bo'yicha, belgilangan muddatlarda, quyidagi tanlanma kuzatuvlar to'liq va sifatli o'tkazildi:

2022- yilning o'tgan davri davomida viloyat statistika boshqarmasining statistika ma'lumotlarini yig'ish, qayta ishlash, to'plash, saqlash, umumlashtirish, tahlil etish va e'lon qilish bilan bog'liq asosiy faoliyati haqida gap ketganda, 2023- yilning 1- yanvar holatiga viloyatda faoliyat ko'rsatayotgan 54 163 ta xo'jalik yurituvchi subyektlardan davlat statistika hisobotlari muddatlarida qabul qilindi.

2022- yilning shu davrigacha hududiy boshqarmaga jismoniy va yuridik shaxslar tomonidan yozma va og'zaki qilingan murojaatlarni tahlil qiladigan bo'lsak, umumiy hisobda ularning soni 292 tani tashkil qilgan. Shundan jismoniy shaxslarning murojaati 34 tani, yuridik shaxs maqomiga ega turli

korxonalar va tashkilotlar tomonidan qilingan murojaatlar soni 258 tani tashkil etdi. Murojaatlarda ko'tarilgan masalalar yuzasidan murojaatchiga tegishli va to'laqon javoblar yozma shaklda yo'naltirilgan. Murojaatlar statistikasi to'g'risidagi ma'lumotlar muntazam ravishda (andstat.uz) rasmiy saytida e'lon qilib boriladi.

Statistik axborotning ishonchliligi, qulayligi, xolisligi va ochiqligini ta'minlash maqsadida viloyat statistika boshqarmasi rasmiy veb saytining rasmiy statistika sahifasida viloyatning barcha makroiqtisodiy ko'rsatkichlariga taalluqli bo'lgan ma'lumotlar joylashtirilgan va doimiy ravishda yangilanib borilmoqda.

Xususan, 2022- yilning yanvar- dekabr oyi yakunlarida Davlat statistika hisobotlari va kuzatuvlari natijasida olingan statistik ma'lumotlar umumlashtirilib, viloyatning rivojlanishini, iqtisodiyot tarmoqlari va ijtimoiy sohalarda amalga oshirilayotgan islohotlar natijalarini to'liq aks ettiruvchi kompleks statistik va tahliliy axborotlarni jumladan, 78 press-reviz va 450 ga yaqin ochiq ma'lumotlar boshqarma rasmiy veb saytining ochiq ma'lumotlar sahifasiga joylashtirilib, yangilanib borilmoqda.

E'tiborlaringiz uchun rahmat !